

Crisis Theologica

Cárdenes, Juan de

Sevilla, 1687

Dissertatio XV. An Fides explicita Dei remuneratoris sit necessaria
necessitate medij ad salutem?

[urn:nbn:de:hbz:466:1-75689](https://nbn-resolving.de/urn/resolver.pl?urn=urn:nbn:de:hbz:466:1-75689)

associabitur formidine actuali.

112. Quare non esse de concep-
tu opinionis formidinem actualem,
sed radicalem clare docuit P. Suarez
disp. 19 de Fide sect. 4. num. 16. af-
serens: *Formido ex parte subiecti non
est de ratione opinionis, sed tantum
ex parte formalis obiecti.* Ex quo in-
fertur, quod subiectum, id est, intel-
lectus careat formidine, & quan-
tum est ex parte obiecti formalis per
se, & solitarie sumpti exponatur in-
tellectus formidini. Eamdem sen-
tentiam defendunt omnes Doctores,
qui censem posse inveniri simul in
intellectu scientiam, Fidem, &
Valen. opinionem. Hi sunt P. Valencia. 2. 2.
S. Bona. disp. 1. punct. 4. quæst. 1., vbi citat S.
Duran. Bonaventuram, & Durandum. Item
Lugo. Lugo Card. disp. 2. sect. 2. num.
Pet. Hur 89. P. Petrus Hurtado disp. 10. de
Anima sect. 5.



DISERTATIO XV.

*An Fides explicita Dei remu-
neratoris sit necessaria ne-
cessitate mediij ad
salutem?*

CAPUT I.

*Proposita damnatione 22. Propo-
sitionis referuntur varie
opiniones.*

SYMMARIVM.

*Quid sit Fides explicita, & implica-
ta? num. 1.
Quot questiones includantur sub hac
dertatione? n. 2.
Primus dicendi modus est, ad iusti-*

*ficationem infidelis requiri Fidem
explicitam Dei ut remuneratoris,
licet non semper. num. 3. & 4.
Secundus, eam requiri ad iustifi-
cationem infidelis, non vero ad
iustificationem peccatoris fidelis.
num. 5.*

*Tertius, ad omnem iustificationem
requiri. num. 6.*

*Quartus, requiri Fidem explicitam
Dei ut remuneratoris supernatura-
lis. num. 7.*

*Quintus, sufficere Fidem explicitam
Dei, ut remuneratoris naturalis,
vel abstrahendo à naturali, & su-
pernaturali. num. 8.*

*Sextus, illam requiri non ex natura
rei, sed ex lege Dei. num. 9.*

*Septimus, illam Fidem explicitam
requiri ex natura rei. n. 10.*

*Octavus est, sufficere Fidem explici-
tam Dei ut remuneratoris virtua-
liter contentam in actu charitatis.
num. 11.*

1. **E**x propositionibus in hoc de-
creto dñatis, hæc est vigil-
sima secunda. *Non nisi Fides unius
Dei necessaria videtur necessitate
medij, non autem explicita remune-
ratoris.* Prò cuius explicatione no-
tum omnibus est, Fidem implicitam
alicuius mysterij esse eam, qua
quis credit mysterium vt sub aliqua
universalis propositione contentum:
vt cum quis dicitur credere myste-
rium Incarnationis, eo quod credit,
quidquid credit Ecclesia Catholica.
Fidem vero explicitam habet, qui
non solum credit illud mysterium
sub ea generali propositione, sed in
particulari credit, & cognoscit mys-
terium, V. g. Incarnationis.

2. Est ergo quæstio præsens, an
ad iustificationem, & ad salutem
æternam consequendam sit omnino
necessarium habere Fidem explicitam
Dei ut remuneratoris? Sub qua-
quæst-

quæstiones varie continentur. Prima, an ad primam iustificationem, cum quis ab infidelitate convertitur ad Deum, sit infallibiliter necessaria necessitate medijs Fides explicita Dei ut remuneratoris? Secunda, an ad omnem iustificationem Fidelium semper sit necessaria necessitate medijs Fides explicita actualis de Deo ut remuneratore? Tertia, an sit necessaria necessitate medijs Fides explicita Dei ut remuneratoris supernaturalis? Quarta, an ex natura rei, an potius ex ordinatione Divinæ prævidentiae supernaturalis, sit ea Fidei necessaria necessitate medijs? Quinta, an ad iustificationē sufficiat Fides Dei ut remuneratoris virtualiter inclusa in actu charitatis? Circa quas quæstiones sunt varij dicendi modi, quos oportet referre, & discutere, ut videamus, qui nam ex illis subiaceant huic damnationi.

3. Primus dicendi modus est, ad iustificationem infidelium requiri necessitate medijs Fidem explicitam Dei ut remuneratoris, licet non semper, neque pro omni casu; eo quod possit in aliquo raro casu infidelis converti, & iustificari cum ignorantia invincibili Dei ut remuneratoris. Hæc videtur suisse opinio. P. Arriagæ 2. 2. disp. 12. sect. 4. num. 27. Cuius fundamentum est. Nam potest dari casus, in quo puer baptizatus educetur in sylvis, ita ut iam adultus non committat peccatum hæresis, sed alia peccata gravia. Si postea instruatur, ut cognoscat, illa peccata esse meritoria poenæ æternæ, & non instruatur de vita æterna, neque de gratiâ habituali, & ex cognitione poenæ æternæ excitetur ad dolorem de peccatis, & ita confiteatur peccata Sacramentaliter: ille quidem ex hac attritione, & confessione iustificabitur, sine Fide explicita Dei ut remuneratoris.

4. Eamdem opinionem secutus

est Caramuel in Apolog. de Probabilitate. Epist. 4. num. 125. ait enim:

[ad testimonium Pauli, Accedentem ad Deum oportet credere, quia est, Acac. &c. respondet P. Acacius March. March.

de Velasco intelligi hoc, regularmente hablando, hoc est non semper, sed frequentius.] Ad quod probandum hoc vtitur argumento Caramuel. Nascitur Petrus, baptizatur; antequam loqui sciat, capitur a barbaris, in sylvam inducitur, & atheismum positive docetur. Ad usum rationis pervenit; posse invincibiliter nescire Deum, saltem ad tempus, Theologi nobiliores affirman. Moriatur igitur hic, antequam ignoret vincibiliter Deum, & aliquod committat mortale. Quo Petrum D. Fagnanus mittet? Non ad infernum, quia originali ille, & actuali mortifero caret: ad cælum ergo. Ergo expressa, & actualis Fides non est ad salutem necessitate medijs necessaria.] In quibus verbis non solum Fidem explicitam remuneratoris, sed etiam Fidem explicitam Dei excludit Caramuel à necessitate salutis. Eidem opinioni circa Fidē ex parte explicitam remuneratoris consentit Leander à Ss. Sacram. part 6. Tract. 2. de Fide disp. 2. quæst 6. in 2. conclus. citans alios Doctores.

5. Secundus dicendi modus est, Fidem explicitam Dei ut remuneratoris esse quidem necessariam necessitate medijs ad iustificationem infidelis, qui convertitur ad Fidem; non vero ad iustificationem peccatoris Fidelis. Ita videtur sentire P. Ripalda disp. 17. de Fide sect. 14. num. 229. (quo autem sensu id dixerit, mox discutiemus, Leander proxime citatus, & alij apud ipsum.

6. Tertius dicendi modus est ad omnem iustificationem impij sive infidelis, sive peccatoris Fidelis necessariam esse necessitate me-

Leand.

Ripal.

Leand.

Lugo.

dij Fidem explicitam Dei vt remuneratoris. Ita Lugo Card. disp. 12. de Fide sect. 5. n. 103., & ibi conqueritur Lugo, quod Authores prætermiserint discussionem huius difficultatis, an ex Fide explicita bonitatis Dei, sine Fidei explicita remuneratoris, possit Fidelis iustificari. Nam licet omnes dicant, eam Fidem explicitam remuneratoris esse necessariam necessitate medij ad salutem, non discutiunt, an aliquando possint iustificari fideles sine Fide explicita Dei vt remuneratoris, sed cum sola Fide bonitatis Dei. Ipse autem Lugo docet, eam requiri necessitate medij; non solum ad iustificationem infidelis, sed etiam ad omnem iustificationem impij fidelis. Imo n. 133. ait, necessariam esse ad perseverantium diuturnam in statu gratie. Quod vtrumque etiam docet P. Hurt. disp. 41. conc. 2. & 3.

7. Quartus dicendi modus est, esse necessariam necessitate medij Fidem explicitam Dei vt remuneratoris supernaturalis, promittens remunerationem gratiae sanctificatis, & beatitudinis supernaturalis, licet non dicant, an sit necessaria ad omnem iustificationem, etiam impij Fidelis. ita P. Suarez 2. 2. disp. 12. sect. 3. num 8., & P. Granado 2. 2. controv. 1. tract. 10. disp. 2. sect. 1. num. 2., Caietanus. 2. 2. quest. 2. art. 3., Bañez ibid. att. 8. dub. 1. concl. 1., P. Valencia de Fide disp. 1. quest. 2. punct. 2.

8. Quintus dicendi modus est, sufficere ad salutem Fidem explicitam Dei vt remuneratoris naturalis, vel saltem abstrahendo à naturali, & supernaturali; & per consequens non esse necessariam necessitate medij ad salutem, Fidem explicitam Dei, vt remuneratoris supernaturalis. Hanc dicit probabilem P. Petrus Hurtado disp. 43. de Fide sect.

7. §. 33. & apud eum P. Molina, P. Torres, Victoria, & alij. Sed in §. 36. conclus. 2. docet, necessariam esse necessitate medij, Fidem explicitam saltem confusam de remuneratione supernaturali. Fidem autem explicitam confusam, aut minus claram, sive non expressam sic explicat: [Minus clara est, quando attingitur obiectum aliquod specificum terminis non specificis, sed universalioribus: V. g. conceptu de animali concipiatur species humana, quæ vere, & proprie est animal; conceptus tamen ille non est per terminos specificos, quia non est per attributa hominis propria, sed communia: conceptus tamen eterque est explicitus, alias quidem confusus, alias expressus. Sic remuneratione naturalis, & supernaturalis convenienter in conceptu remunerationis æternæ. Vnde Fides de remuneratione æterna immedia te, & explicite terminatur ad utramque speciem remunerationis: quia vero illa remuneratione non concipiatur in singulare, ideo non est Fides expressa de illa.] Ponit itaque discrimen inter explicitam, & expressam: quatenus potest esse Fides explicita de aliquo mysterio specifico cognito sub terminis universalibus, & non specificis, & ideo dicit non esse expressam.

9. Et quia qualiter est inter Theologos, an Fides Dei vt remuneratoris necessaria sit necessitate medij ad iustificationem ex natura rei, an potius ex lege Dei, qui nolit aliter iustificare infidelem, aut peccato rem: ideo sextus dicendi modus est, solum requiri sic ex lege Dei. Ita P. Hurtado disp. 51. §. 8. vbi ait: [Hac necessitas cognoscendi hoc attributum (remuneratoris) oritur præcipue ex voluntate ipsius Dei,] vbi etiam tradit duas rationes con-

P. Hurt.

vc-

*P. Hurt.**Molina**Torres**Victo.*

venientiæ, ob quas Deus sic volverit.

Lugo. 10. Septimus dicendi modus est Ioannis de Lugo, qui disp. 12. sect. 5. num. 117. negat hanc necessitatem provenire ex sola lege Dei. Et num. 110. docet, impossibilitatem pervenienti ad iustificationem absque Fide explicita Dei ut remuneratoris, esse moralē ortam ex difficultate, quam habet homo post peccatum diligendi Deum: excitatur autem ad id per spem retributio- nis æternæ.

Filguer. 11. Octavus dicendi modus est Emmanuelis de Filguera, qui in sua Lucerna in expositione huius 22. pro positionis §. Sed dicendum affirmat, [Esse necessariam necessitate medij Fidem explicitam Dei remuneratoris taliter, ut numquam possit sine illa impij iustificatio contingere.] quæ sunt formalia verba ipsius. Deinde tamen in §. Sed pro omnimoda obiicit sibi casum, in quo alicui Deus ut amabilis amore amicitiæ proponeretur, nihil cogitans de preclario: circa quem inquire potest, an sic diligens Deum actu Charitatis, si moreretur, obtineret gloriam? Et responderet in haec verba: [Quod in tali casu ille ad huc non obtinet gloriam sine Fide remuneratoris: nam talis Fides continetur in charitate, tamquam in forma perfectiori, & eminentiori. Quod opitime explicatur in sententia gravium Theologorum, imo plurium Thomistarum asserentium, quod licet peccatum mortale non possit extra Sacramentum remitti sine virtute poenitentiæ; tamen peccator auxilio, & gratia Dei adiutus eliciens actum charitatis, nihil de peccato cogitans, præcepto poenitentiæ satisfaceret, & vere iustificaretur: nam charitas tamquam forma eminentior, ac perfectior poenitentiæ virtutem vir-

tualiter continet. Perinde igitur circa Fidem explicitam remuneratoris discurrendum erit.] Hæc Filguera. Sed numquid Fides Dei ut remuneratoris sic virtualiter contenta in actu charitatis, est Fides explicita; si numquam præcessit formaliter Fides explicita?

CAPVT II.

An prima opinio incurrit hanc damnationem?

SUMMARIUM.

Prima opinio subiacet damnationi. num. 12.

Ex illatione, quam facit S. Paulus, colligitur damnatio eius propositionis. num. 13.

Constat etiam ex Tridentino. num. 14.

In nullo casu dat Deus auxilium ad contritionem illi, qui non habet Fidem Dei ut remuneratoris. num. 16.

Quid respondendum sit ad casum metaphysicum Caramuelis. n. 17. & seqq.

12. **C**enso, primam opinionem, quæ ponit, posse primam iustificationem adulti fieri absque actuali Fide Dei ut remuneratoris, sub- *Lumb.* iacere huic damnationi. Ita Lum- *Filg.* bier agens de censura Pontifícia hu- ius propositionis tom. 3. Sum. num. 1775., & Filguera in expositione hu- ius propositionis:

13. Patet assertio primo: quia testimonium D. Pauli ad Hebr. 11. *Credere enim oportet, accedentem ad Deum, quia est;* & inquirentibus se remunerator est; intelligitur à Concilijs, & Patribus cum omnimoda universalitate, & sine illa limitatio- ne.

ne. Et quod ita intelligendum sit, ex contextu patet. Nam Paulus, ex eo quod Henoch placuit Deo, infert, Henoc habuisse Fidem; quia sine Fide impossibile est placere Deo. Et immediate subiungit Paulus verba relata, Vnde recte inferunt Theologi, eam propositionem in sensu vniuersalissimo intelligendam esse: quia alias non bene inferret Paulus, Henoc habuisse fidem, ex eo quod placuit Deo. Supposito ergo quod ea propositio habeat sensum vniuersalissimum, & vbi subiunxit Paulus, de quo genere Fidei loquatur, nempe de existentia Dei, etiam ut remuneratoris, constat, id totum sub vniuersalissimo sensu intelligendum esse. Vnde fit, optimo iure damnatam esse ab Innocentio XI. eam opinionem, quae docet, in aliquibus casibus posse fieri primam iustificationem adulti absque Fide Dei ut remuneratoris. Nam cum ex Romanæ Cathedræ oraculo constet, Fidem explicitam Dei ut remuneratoris necessariam esse necessitate medijs, saltem ad primam iustificationem, credendum est requiri.

14. Patet secundo ex Concilio Tridentino multis in locis, & præcipue less. 6. cap. 7., vbi sic statuit: *Hanc Fidem ante Baptismi Sacramentum ex Apostolorum traditione Catechumeni ab Ecclesia petunt, cum petunt Fidem, vitam aeternam praestantem; quam sine spe, & charitate Fides praestare non potest.* Ex quibus concluditur, quod Fides, quæ est in Ecclesia, praestat vitam aeternam, & quod illam non praestat sine spe vita aeterna: & quod, cum spes vitae aeternæ haberi non possit sine Fide explicita Dei ut remuneratoris, sit manifestum, quod hæc Fides explicita est medium necessarium ad consequendam vitam aeternam. Et cum istæ propositiones Conciliij vniuersales sint, constat merito damnari propositionem, quæ hanc vniuersalitatem excludit.

15. Patet tertio. Nulla enim est opinio, quæ doceat, non requiri saltem per se, & vt in plurimum Fides explicita Dei ut remuneratoris, omnes enim Authores propter testimonium D. Pauli dixerunt, saltem per se, & vt in plurimum hanc Fidem requiri necessitate medijs. Et ideo hæc damnatio non cadit super aliam opinionem, quam eam, quæ dicit, posse in aliquo casu fieri primam iustificationem absque tali Fide explicitâ.

16. Ad primum argumentum ex prima opinione respondeo, si puer iam adultus in eo casu instruatur tantum de supplicio aeterno, & non de vita aeterna, Deum non daturum auxilium supernaturale ad illam atritionem habendam, dum non habuerit Fidem explicitam Dei ut remuneratoris; daturum autem alia auxilia, ad operandum taliter, ut dignus fiat, qui speciali Dei providentia instruatur de remuneratione vite aeternæ.

17. Ad secundum argumentum ex Caramuele negunte, requiri necessitate medijs Fidem explicitam Dei ut remuneratoris, imo & existentia Dei; respondeo, casum esse metaphysicum, & in hac providentia, & ordine rerum impossibilem: nam vel ille puer iam adultus, post adquisitum visum rationis diuturno tempore vivit, vel brevi tempore, vel mediocris, scilicet nec diuturno, nec brevi. Si diuturno tempore vivit post visum rationis, impossibile est, quod sine Fide, & cognitione Dei tanto tempore servetur absque peccato lethali.

18. Quod si post visum rationis adquisitum vivit brevissimo tempore, in quo non est mora temporis sufficiens ut instruatur in rebus Fidei, neque ut labatur in peccatum, desiciente occasione, & materia; illud breve tempus computabitur moraliter cum infantia, non amittens gratiam baptismalem. Et ita docuit P. Sua-

Suarez. disp. 12. sect. 2. num. 10. his verbis: [Si adultus fuerit in infantia baptizatus, posteaque perveniat ad usum rationis, ac contingat brevi tempore vivere sine peccato mortali, & sine actu Fidei, salvabitur. Quia ad conservandam iustitiam, satis est non peccare mortaliter, etiam si Fides non exercetur. Tunc autem licet ille, qui salvatur, sit adultus, non salvatur, ut ita dicam, tamquam adultus, sed tamquam infans: quia per medium commune infantibus salvatur: & postea in ordine ad salutem, vel contra illam, nihil tamquam adultus est operatus.] Sic Suarez. Et ex eo Lugo Card. disp. 12. de Fide sect. 1. num. 3.

19. Si vero velis, illum esse superitem mediocri tempore, nec diuturno, nec brevi, casus non occurret. Nam, ut postea dicam, quod Fides explicita Dei, etiam ut remuneratoris sit necessaria necessitate medij ad salutem hominis adulti, partim provenit ex providentia, & lege Dei sic statuentis salvare homines, partim ex ipsa natura, & conditione mediorum conducentium ad salutem. unde provente Deo non continget, quod ille adultus, qui non amisit gratiam baptismalem, non moriatur, nisi secundum hunc ordinem rerum.

CAPVT III.

An secunda opinio subiacea huic damnationi?

SVMMARIUM.

Duplex sensus secundae opinionis. num. 20.

Quomodo secunda opinio subiicitur damnationi. n. 21.

In quo sensu non subiicitur damnationi? n. 22.

Quid circa hoc censeant Patres Gra-

nado, & Suarez? num. 23.
Quomodo in secundo sensu ea opinio includat virtualiter Fidem Dei ut remuneratoris? n. 24.

An inde inferatur, quod satis sit habere fidelis in vita Fidem explicitam de Deo ut remuneratore? num. 25. & seqq.

An sufficiat ad iustificationem virtualis persistentia praefati actus Fidei? n. 28.

Admittitur virtualis persistentia eius actus Fidei, non ex eo quod extiterit, & non sit retractatus, sed ex eo quod virtualiter persistat in effectu. num. 29.

Quod requirantur ad iustificationem actus formales Fidei, & spei, videntur scrupulis obnoxium n. 30.

Exemplo Agricolae explicatur continetia virtualis spei in actu penitentiae. n. 31. & seqq.

20. Secunda opinio cap. 1. relata dicebat, ad iustificationem in fideli convertentis se ad Fidem esse medium necessarium Fidem explicitam Dei ut remuneratoris; non vero ad iustificationem hominis Fidelis. Et quia haec secunda pars dupli modo potest intelligi, sub distinctione decidenda est quæstio. Et primo potest intelligi illa opinio, ita ut ille homo Fidelis, qui accedit ad iustificationem, numquam habuerit actum explicitum Dei ut remuneratoris, & consequenter numquam habuerit actum Spei vitæ aeternæ. Secundo potest intelligi ea opinio, ita ut Fidelis peccator, qui vult iustificari, aliquando habuerit aliquos actus spei de vita aeterna, & consequenter actus Fidei explicita Dei ut remuneratoris, neque habitaverit in Fide, neque in spe; doceatque ea opinio, tales actus Fidei, & spei persistere virtualiter; atque adeo iam adesse talem Fidem explicitam ad iustificationem pec-

peccatoris Fidelis, saltem virtualiter.

21. Dico primo. Ea opinio primo modo intellecta subiacet huic damnatio. Patet. Nam haec damnatio statuit absolute talem Fidem explicitam remuneratoris esse necessariam necessitate medij: quidquid autem absolute dicitur necessarium necessitate medij, si illud iterabile est, illud praecipue tale est in ordine ad quamcumque iustificationem, sive impij Fidelis, sive infidelis. Et cum haec censura Pontifica statuta sit proper locutiones universales Sacrae Scripturae, Conciliorum, & Ss. Patrum; ideo sensus illius universalis est, & ad omnem iustificationem universaliter extendens. Maxime cum Concilium Tridentinum sess. 6. c. 8. de iustific. agens de eo textu. Pauli ad Rom. 3. vbi dicit, *iustificari hominem per Fidem*; subiungat haec: *Ea verba in eo sensu intellegenda sunt, quem perpetuus Ecclesiae Catholice consensus tenuit, & expressit; ut scilicet per Fidem ideo iustificari dicamur, quia Fides est humanae salutis initium, fundamentum, & radix omnis iustificationis, sine qua impossibile est placere Deo, & ad feliorum eius consortium pervenire.* Cum ergo haec Fides, sine qua impossibile est placere Deo, sit radix, & fundamentum omnis iustificationis; & declarat. S. Paulus, eam Fidem, sine qua impossibile est placere Deo, esse Fidem Dei ut remuneratoris: sit, ad omnem iustificationem requiri Fidem explicitam Dei ut remuneratoris.

22. Dico secundo. Si ea opinio intelligatur secundo modo, ita ut in impij Fidei extiterint aliqui actus Fidei explicitae Dei ut remuneratoris, qui non sint retractati; & dicantur perseverare virtualiter, & hoc modo sufficere ad iustificatio-

nem; talis opinio sic intellecta non subiacet censuræ Pontificiæ. Et iuxta hanc opinionem sic intellectam videtur discurrere quidam Recentiores circa spem vitæ æternæ, quæ supponit Fidem Dei, ut remuneratoris; quos suppresso nomine refert Lugo Card. disp. 12. de Fide sect. 5. num. *Lugo.* 115. & hunc corum discursum sic refert: [Quare licet Fides Dei infinite sancti, & potentis sufficeret ex se ad excitandam Dei dilectionem; Deus tamem de facto homini, qui non se disponit per actum spei adhuc saltem virtualiter, & moraliter perseverant, hoc est, non dum per desperationem retractati, non dat auxilium actuale ad dilectionem, vel ad detestationem peccati super omnia, ne iustificetur sine dispositione peculari,] &c.

23. His consonat P. Granado *Gran.* 2. 2. controv. 2. Tract. 4. disp. 1. n. 2., vbi sic ait: [Tridentinum sess. 6. cap. 6. spem venia numerat inter dispositiones adulti: ex quo colligitur, ad contritionem requiri actum spei: & ita quoties obligaverit preceptum contritionis, obligabit etiam actus spei saltem virtualiter habitus.] Cum tamen actus spei haberi non possit sine Fidei actu Dei, ut remuneratoris. Sic etiam P. Suarez *Suzar.* 2. 2. disp. 2. de spe sect. 1. num. 2. assertit, in occasionibus, in quibus necessaria est spes pro exercitio aliarum virtutum sepe sufficere elicere actum, in quo spes virtualiter contingatur: ex quo sequitur, quod sufficiat habere virtualiter Fidem explicitam Dei ut remuneratoris.

24. Probatur conclusio. Hac censura Pontifica invit propositio nem negantem, Fidem explicitam Dei remuneratoris esse necessariam necessitate medij ad salutem: sed hec opinio, secundo modo intellecta, id non negat; cum admittat

necessitatem illius per virtualem continentiam; ratione cuius tales actus Fidei explicitæ antecedenter habiti virtualiter perseverant: ergo hæc centura non invitam opinionem secundo modo intellectam.

25. Dices. Ex hac opinione sic intellecta sequitur, quod satisfaciat homo præcepto Fidei de Deo ut remuneratore, si illam habeat semel in vita: atqui hoc repugnat damnationi propositionis 17, ut ex hoc decreto constat: ergo damnabilis est etiam ea opinio, quamvis eo modo intellecta. Sequela probatur. Nam si semel in vita habeatur, dum non retractetur, persistet virtualiter per totam vitam; atque adeo sic sufficiet ad iustificationem.

26. Sed respondebunt Authores eius opinionis primo: quamvis ad secundam, & tertiam iustificationem sufficeret ille primus actus Fidei; non tamen sufficeret ad impletum præceptum Fidei, quod obligat ad eliciendos frequenter actus Fidei, ut diximus disserat. 11. à num. 47.

27. Et quidem si quis numquā amitteret gratiam iustificantem, non requireretur, quod haberet talen actum Fidei pro iustificatione, quia iste non adquirit eam denuo; nec propterea excusaretur ab obligatione eliciendi varios actus talis Fidei.

28. Respondebunt secundo, non perseverare virtualiter actum, qui à tempore remoto elicitus est; sed illum solum, qui à proximo tempore est elicitus, & non retractatus. Propinquitas autem temporis debet esse tanta, quanta requiriatur, ut censeatur moraliter perseverare, nec deleta esse memoria illius.

29. Rogabis, quid ego censem,

de veritate eius opinionis secundo modo explicatæ; scilicet an verum sit, quod sufficit ad iustificationem virtualis persistentia actus Fidei explicitæ de Deo ut remuneratore?

30. Dico tertio. Sufficit ad iustificationem actus Fidei explicitæ de Deo ut remuneratore, virtualiter persistens in suo effectu. Quæ ultima conclusionis verba superadditæ: quia licet is modus continentiae virtualis per hoc, quod extiterit actus, & non sit retractatus, dato quod alijs materijs possit adaptari, in hac tamen materia de Fide explicita remuneratoris, sicut etiam in materia spei retributionis æternæ, videtur mihi incongrue procedere. Nam cum ad eum discurrendi modum, ut dicatur actus moraliter perseverare, requiratur, quod proximo tempore præcedat, ut supra diximus, & non facile determinetur, quantum debet esse illud tempus, ut sit proximum; illi, qui peccata sua confitentur, angentur scrupulis, an fuerit proximum illud tempus, in quo elicuerunt eos actus Fidei, & spei; atque adeo dubitabunt, an moraliter perseverent iij actus.

31. Deinde, durum videtur, & scrupulis obnoxium, requirere ad confessionem peccatorum, & iustificationem actum formalem eius Fidei, & spei, nec sufficere virtualem. Nam si homo pro tunc sit immemor retributionis æternæ, & conatur ad veram contritionem; ad hoc timebit, an posuerit media essentialiter requisita ad iustificationem; eo quod non babuerit tunc eos actus formales Fidei, & spei.

32. Probo ergo conclusionem ab exemplo agricolæ, quo vtuntur Sancti Patres ad explicandam spem

Aa The-

Theologicam. Et enim contingere potest, quod agricola spargat semina super terram, immemor pro tunc fructuum colligendorum: & tamen omnes cognoscunt, illum agricolam spargere semina cum spe colligendi fructus; qua spe si careret, non seminarer grana. Sicut ergo agricola, dum immemor fructuum colligendorum spargit semina, intelligitur habere spem colligendi fructus, quia virtualiter habet spem; ita peccator, dum ponit media suæ iustificationis, licet pro tunc sit immemor retributionis æternæ, intelligitur habere spem colligendi fructus æternos, quia virtualiter illam habet.

33. Ideo autem agricola virtualiter habet spem colligendi fructus; quia seminatio illa est effectus derivatus ab intentione colligendi fructus, quam antea habuit: vnde illa intentio collig. n.s.i., virtualiter continetur in suo effectu, nempe in seminatio ne. Similiter ergo peccator, qui antecedenter habuit desideria æternæ beatitudinis, & spem de illa conseruanda, dum ponit medium suæ iustificationis, virtualiter habet illam spem: quia ipsa positio medij, V.g. confessionis Sacramentalis, est effectus, qui procedit ab illo desiderio, & spe: vnde illa intentio consequæ salutis æternæ, & illa spes virtualiter continetur in suo effectu, nempe in ipsa confessione Sacramentali.

34. Et hoc est, quod brevioribus terminis docuit P. Suarez 2. 2. disp. 2. de spe sect. 1. num. 2. agens de præcepto, & obligatione sperandi, his verbis: [Hoc secundo modo s' ex ratione extrinseca] obligabit hoc præceptum; quando fuerit necessarium sperare, vel ad debite orandum, vel ad vincendam tentationem, vel ad aliquid simile. In

quibus tamen occasionibus sepe non erit necessarium *formalem* actum spci elicere; sed satis erit in ipso effectu debite id facere, in quo *virtualiter* includitur spes, ut efficaciter petere, vel *dolere de peccato*, vel aliquid simile.] Hæc P. Suarez.

C A P V T I V.

Duabus obiectionibus occurritur.

SVMMARIVM.

Quod ad confessionem sufficiat habere virtualiter eos actus Fidei, & spci, non est solum probabile, sed certum. num. 35.

An cognitionis finis continetur virtueliter in execuzione mediorum? num. 36.

An actus Fidei continetur virtualiter in confessione Sacramentali? num. 37.

35. **O**bijcies primo, hanc conclusionem ad summum esse speculative probabilem, non autem practice. Quod sic probari videtur. Non enim possumus in praxi sequi opinionem probabilem circa valorem Sacramenti, relictâ tutiori; iuxta damnationem primæ propositionis in hoc decreto contentam: sed qui voluerit sequi in praxi hanc opinionem, sequetur opinionem probabilem circa valorem Sacramenti, relictâ tutiore: ergo ea quoad proxim continuum sub ea damnatione, atque adeo non remaneabit practice probabilis. Minor probatur. Nam eo ipso quod Fides explicita de Deo vt remuneratore sit medium necessarium ad iustificationem, erit necessarium ad confessionem peccati mortali.

mortalis, per quam peccator transit ad statum gratiae; deficiente autem medio necessario ad confessionem Sacramentalem, invalida est confessio. Ergo opinio, quæ docet, Fidem explicitam formalem esse medium ad Sacramentum versatur circa valorem Sacramenti, & est tunc: & opinio, quæ docet, Fidem explicitam virtualem sufficienter esse medium ad Sacramentum, versatur circa valorem Sacramenti, & est minus tuta. Ergo qui hac opinione vtitur in praxi, eligit opinionem probabilem circa valorem Sacramenti, relista tunc.

36. Respondeo, eam conclusionem non esse solum probabilem, sed certam; sicut est certum, agit colam, dum seminat immemor fructuum, habere spem colligendi fructus. Deinde, nam certum est, sufficere intentionem virtualem in eo, qui baptizat, vel absolvit; aliqui daretur obligatio ad impossibile; nam dum quis baptizat, & obliviscitur intentionis formalis, pro tunc illam habere non potest, nec est in potestate eius pro tunc eam ad memoriam revocare; quare sufficit, quod antea habuerit eam intentionem formalem, & quod hæc perseveret virtualiter in effectu procedente à tali intentione. Similitet ergo certum debet esse, quod qui confiteretur sua peccata, & antea habuit desiderium retributionis aeternæ, atque adeo remissionis peccatorum in ordine ad vitam aeternam consequendam; in ipsa confessione Sacramentali, tamquam in effectu eius desiderij, habet spem virtualiter contentam.

37. Obijcies secundo. Licet spes, & intentio finis consequendi contineantur virtualiter in suo effectu, nempe in electione, & executione medij; tamen cognitio ipsius

fimis, non est, cur includatur virtueliter in executione medij: ergo licet spes vitæ aeternæ includatur virtualiter in executione medij, nempe confessionis, non est, cur Fides explicita de Deo ut remuneratore includatur virtualiter.

38. Respondeo negando antecedens. Et ad probationem dico, spem finis non contineri virtualiter quasi cæco modo in executione mediorum, sed potius spem quasi manuductam à bonitate finis. Et ideo complexum ex Fide explicita remuneratoris, & ex spe remunerationis, esse causam executionis mediorum, & complexum ex utroque includi virtualiter in illa. Sic etiam in agricultura spes collectionis fructuum, ut à se cognita, est causa spargeni semina; & ideo in seminatione non continetur spes fructuum, quasi cæco modo, sed spes quasi manuducta ex cognitione proportionis mediorum ad finem, sive ex cognitione proportionis seminationis ad collectionem fructuum.

C A P V T . V .

An hæc damnatio invrat octavam opinionem?

S U M M A R I U M .

Sensus octavae propositionis de continentia virtuali Fidei explicitæ in actu charitatis. num. 39.

Octava opinio in suo sensu universaliter subiacet huic damnationi. num. 40.

Si opinio loquatur de eo, in quo praecesserunt actus Fidei explicitæ, non subiacet damnationi. n. 43.

39. **O**ctavus dicendi modus c. i. relatus est, quem tradit Filguera, nempe posse iustificari homo Filguera
Aa 2 mi-

minem, qui nihil cogitans de Deo vt remuneratore, & attendens ad Deum vt amabilem super omnia , eliceret actum charitatis : ait enim, in actu charitatis tamquam in forma perfectiori, & eminentiori contineri virtualiter fidem explicitam remuneratoris; sicut contrito continetur in actu charitatis virtualiter in eo, qui est immemor peccati mortalis à se commissi. Quæ assertio vñiversaliter sumpta reddit hunc sensum : [Quoties quis elicit actum charitatis , etiam si non habeat , neque vñquam habuerit actu formalem Fidei explicitæ de Deo vt remuneratore , potest iustificari , ex eo quod in actu charitatis tamquam in forma perfectiori , & eminentiori continetur virtualiter Fides de Deo vt remuneratore ; sicut in actu charitatis tamquam in forma perfectiori continetur virtualiter contrito de peccato mortali.]

40. Quod autem iste sit sensus illius assertionis, patet. Quia hæc continentia virtualis eius Fidei in actu charitatis desumitur dumtaxat ex eo solum, quod actus charitatis sit forma perfectior, & eminentior; atque adeo independenter ab eo, quod præcesserit, vel non præcesserit formalis actus fidei explicitæ de Deo vt remuneratore. Nam quod charitas sit forma perfectior, & eminentior, est independens ab eo, quod præcesserit, aut non præcesserit formalis actus Fidei Remuneratoris. Aliud enim est, quod actus charitatis ex Lege Dei fundata in proportione ipsorum actuum , dependeat in sua existentia à Fide explicita remuneratoris precedente ; & aliud est, quod ab illa dependeat, actu charitatis esse formam perfectiorem, & eminentiorem. Nam primum est verum, & secundum evidenter falsum.

41 Dico primo. Illa propositio in suo sensu vñiversalis subiaceret huic

damnationi. Probatur. Nam illa continentia virtualis Fidei de Deo vt remuneratore in actu charitatis non postulat (iuxta eam assertionē) quod præcesserit vñquam formalis actus eius Fidei explicitæ , cum solum deatur ex eo, quod actus charitatis sit forma perfectior, & eminentior; at qui si dicatur, nunquam præcessisse actu formalem Fidei explicitæ de Deo vt remuneratore , contradicuntur censuræ Pontificiæ, imo & S. Paulo dicenti ; *Accidentem ad Deum oportet credere, quia est; & inquirentibus se, remunerator sit.* Nam ex sensu Ecclesiæ requiritur formalis actus Fidei explicitæ ; saltem qui præcesserit, & virtualiter contineatur in medio adhibito ad iustificationem.

42. Confirmatur. Nam ille octavus modus dicendi affirmat, contineri virtualiter fidem remuneratoris in actu charitatis, sicut contrito continetur virtualiter in eodem; sed ad hanc continentiam virtualem contritionis in actu charitatis non requiriatur, quod vñquam præcesserit contrito : ergo si Fides remuneratoris eodem modo continetur in actu charitatis , non requiretur, quod formalis actus Fidei explicitæ remuneratoris præcesserit.

43. Dico secundo. Benigne interpretanda est mens eius Authoris, vt loquatur respectu hominis Catholici, qui elicit actum charitatis immemor Dei vt remuneratoris, in quo præcesserunt actus formales Fidei explicitæ de Deo vt remuneratore, sed tamen non locutus est cum præcissa formalitate terminorum. Hoc ultimum convincitur ex ijs, quæ dixi in prima conclusione. Debuit enim reducere eam continentiam virtualem , non ad id solum quod actus charitatis sit forma perfectior, & eminentior, sed etiam ad hoc, quod formalis actus Fidei explicitæ

cita

citè præcesserit, & persistat morali-
ter modo superius explicato in cap.
3. & 4.

CAPVT VI.

*An reliquæ opiniones supra re-
latæ subijciantur huic dam-
nationi?*

SUMMARIUM.

*Non est quæstio de tertia, quarta, &
septima opinione. n.44.*

*An sufficiat ad iustificationem Fides
explicata de Deo ut remuneratore
naturali? n.45.*

*Opinio affirmativa non subiacet huic
damnationi. num. 46.*

*Si propositio asserat sufficere Fidem
explicitam de Deo ut remunerante
ex bonis naturalibus huius vitæ, in-
currat hanc damnationem n.47.*

Confirmatur ex S.Thoma. n.48.

*Patriarchis antiquis promisit Deus ali-
qua bona temporalia; & hoc non ob-
stat supradictis. n.49.*

*Non tenentur fideles communiter scire
distinctionem remunerationis natu-
ralis, & supernaturalis. n.50,*

*Propositio docens, requiri, non ex natu-
ra rei, sed ex Lege Dei, Fidem expli-
citam Dei ut remuneratoris, non
subiaceat damnationi. n.51.*

*Probabilis est, id provenire ex utro-
que titulo. n.52.*

44. **E**X opinionibus relatis cap. i non est quæstio de tertia, quæ ponit Fidem explicitam remuneratoris esse medium necessarium ad omnem iustificationem; nulla enim est opinio magis conformis decreto Pontificio. Sed neque est quæstio de quarta opinione, quæ exigit Fidem explicitam Dei ut remuneratoris su-
pernaturalis: ea enim est opinio

strictior, & tutior. Neque de septima opinione, quæ adstruit necessitatem huius medij ad salutem fundari non in decreto Dei, sed in impossibilitate morali exercendi actus supernaturales sine respectu, aut spe retributionis eternæ. Quamvis, vt postea dicam, probabilis censem, eam necessitatem huius medij oriri ex utroque, & ex predicta impossibilitate morali, & ex decreto Dei.

45. De quinta opinione potest esse quæstio; docet enim sufficere ad iustificationem Fidem explicitam supernaturalem de Deo ut re munerator naturali, vel abstrahentem à naturali, & supernaturali remuneratore. Inquirimus ergo, an hæc opinio subiiciatur damnationi Pontificiæ? Et ratio dubitandi est. Nam locus Pauli iuxta communem intelligentiam videtur loqui de remuneratione æternæ beatitudinis. Cum ergo damnatio hæc procedat in eodem sensu, ac locus D. Pauli, cadere videtur in propositionem negantem, quod Fides explicita Dei ut remuneratoris super-
naturalis sit medium necessarium ad iustificationem.

46. Dicendum tamen est, censuram Pontificiam non cadere in hanc quintam opinionem. Probatur. Erat enim notum, ante quam fulminaretur hæc censura, esse controversiam inter Doctores Catholicos, an sufficeret Fides explicita Dei ut remuneratoris naturalis, an ut supernatura-
lis; atqui censura non damnat negantem Fidem explicitam sufficere de remuneratore naturali: ergo censura non cadit in eam opinionem

47. Verum quidem est, quod si ea opinio assereret, Fidem requisitam ad iustificationem esse de Deo ut remunerante ex bonis temporalibus, & naturalibus huius vitæ; illa quidem incurret hanc damnationem; imo aduersaretur ei oraculo D. Pau-
li;

li; qui ex communi sensu Ecclesia agit de remuneracione superiori ad bona temporalia huius vitæ, & de retributione vitæ æternæ; vt etiam constat ex ipso contextu. Nam in eo cap. 11. ad Hebræos, incipit per illa verba: *Est autem Fides sperandarum substantia rerum, argumentum non apparentium.* Quod de bonis æternis plane intelligitur. Postea vero probat Apostolus, Henoch habuisse Fidem, ex quo placuit Deo. Et subiungit rationem: *Sine Fide autem impossibile est placere Deo.* Et immediatissime superaddit: *Credere enim oportet accedentem ad Deum, quia est; & inquirenibus se remunerator sit.* Agit postea de Fide Noë, Abrahæ, & Saræ; & quamvis ibi mentionem faciat promissionum temporalium, declarat, quomodo hæc Fides, de qua loquitur versetur circa repromissiones æternas, & cælestes. Ait enim num. 13. *Iuxta Fidem defuncti sunt omnes isti, non acceptis repromissionibus, sed à longe eas aspicientes, & salutantes, & confidentes, quia peregrini, & hospites sunt super terram.* Qui enim hæc dicunt, significant, se patriam inquirere. Et siquidem ipsius meminissent, de qua exierunt, habebant utique tempus revertendi. *Nunc autem meliorem appetunt, id est, cælestem.*

48. Vbi vides Fidem remuneracionis, de qua loquitur Paulus, esse retributionis æternæ. Vbi S. Thoma in hunc locum Pauli, multa observat, quæ denotant Fidem retributionis æternæ. Ad ea Verba, *Non acceptis repromissionibus,* ait: *Commendat eos à longa promissorum dilatione.*] Ad id, *A longe eas aspicientes, & salutantes.* Ait: *Loquitur, secundum Chrisostomum, ad similitudinem nautarum, qui quando primo vident portum, prorumpunt ad laudem, & salutant*

civitatem, ad quam vadunt. Ita Sancti Patres videntes per Fidem Christum venturum, & gloriam, quam per ipsum consecuturi erant, salutabant.] Ad ea verba *Peregrini, &c.* Qui enim hoc dicunt significant, se patriam inquirere, ait: *Cum ergo isti confitentur, se esse hospites, & peregrinos super terram, significant se tendere ad patriam suam:* scilicet cælestem Hierusalém.] Ad illa, *Nunc autem meliorem, &c.* addit: *[Ipsi ergo patriam istam inquirebant, non domum paternam, unde exierunt.]*

49. Ex quibus omnibus constat, cum Apostolus hæc omnia dixerit ad id propositum, quod oportet credere, quia remunerator sit; constat manifeste, quod loquatur de remuneracione æterna. Præcipue cum Paulus loquatur de remuneracione promissa, & revelata à Deo. Quæ autem revelata est, & promissa, non est alia, quam æterna beatitudo.

50. Et ad præoccupandam obiectiōnē advertendum est, cum his dictis bene stare, quod Deus speciali revelatione fecerit Patriarchis promissiones alias rerum temporalium, vt Saræ de concipiendo factu, & Zachariae de conceptione Ioannis, qui reprehensi sunt, quia non habuerunt Fidem. Qui ergo habuerunt Fidem de his promissionibus, eam quidem habuerunt supernaturalem, vt pote fundatam in authoritate Dei revelantis. Cæterum cum Paulus loquatur in ijs verbis: *quia remunerator sit de omnibus Accedentibus ad Deum, & tam clare expresserit, tamque multis modis remuneracionem æternam, constat in eo sensu locutum esse Apostolum,* sicut etiam Pontificē in hoc decreto!

51. Probalitas autem opposita sententia, quæ, vt dixi, non dam-

natur in hoc decreto, consistit in eo, quod remuneratio vita æte næ, non apprehendatur communiter à Fidelibus tamquam supernaturalis, aut apprehendatur ut naturalis; non enim tenentur id distinguere, cum extra scholas iij termini *naturalis*, & *supernaturalis*, sint parum noti; vt constat ex P. Pedro Hurtado defensore eius sententiæ. Vnde potest dici remunerationem æternam, de qua loquitur Paulus, esse supernaturalis specificative, non vero reduplicative, quatenus ut talis formaliter non cognoscitur, aut apprehenditur à Fidelibus communiter. Ex quo patet ad rationem dubitandi.

52. De sexta opinione inquiritur, an ea invratur censura huius decreti? nempe Fidem explicitam Dei ut remuneratoris ex hoc ordine providentiae, & lege Dei, & non ex natura rei, esse medium necessarium ad salutem. Et dicendum est, eam non subiici huic censuræ, neque ex illa inferri aliquid, quod aduersetur predictæ opinioni. Nam bene componuntur hæc duo, & quod sit medium necessarium ad salutem, quod exprimitur in decreto; & quod id proveniat ex ordinatione Divinæ providentiae.

53. Quamvis mihi probabilius sit, id provenire non solum ex ordinatione divinæ providentiae supernaturalis, sed etiam ex convenientia, & proportione ipsorum actuum supernaturalium; quatenus Deus in sua ordinatione, & lege attendit ad proportionem ipsam actuum supernaturalium.

DISERTATIO XVI.

An Fides late sumpta, extestimonio creaturarum, aut ex alio motivo naturali, sufficit ad iustificationem?

CAPVT I.

Variæ opiniones referuntur.

SVMMARIVM.

Refertur opinio damnata. n. 1.

Opinio, quæ docet, posse aliquem iustificari cum sola cognitione naturali Dei habita ex creaturis. num. 2.

Opinio idem affirmans de cognitione naturali, tamen habita ex gratia Christi. num. 3.

Opinio docens, ad iustificationem sufficientem cognitionem supernaturalem Dei habitam ex creaturis. n. 4.

Due alia quæstiones ortæ ex tertia opinione. n. 5.

Quarta opinio docens, seclusa lege Dei, Fidem latam disponere ad iustificationem. 6.

Quinta opinio docens, infideles posse habere actus supernaturales, quibus merantur. Fidem desongruo. num. 7.

I. **C**um sine Fidei impossibile sit placere Deo, & iustificari, inquiritur in præsenti, an nomine eius Fidei possit intelligi cognition, quæ non innitatut immediate in authoritate Dei revelantis, sed in testimonio creaturarum, iuxta id Psal.